

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 23. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine ("Službene novine Tuzlanskog kantona", broj: 2/06), Uputstva o načinu i procedurama odabira korisnika projekata povratka i rekonstrukcije stambenih jedinica ("Službeni glasnik BiH", broj: 48/06), u cilju realizacije projekta podrške povratku na područje općina Tuzlanskog kantona i Republike Srpske (koje gravitiraju Tuzlanskom kantonu), ministarstvo za obnovu, razvoj i povratak Tuzlanskog kantona objavljuje

J A V N I O G L A S

za dodjelu donacija u građevinskom materijalu u 2009. godini povratnicima, izbjeglim i raseljenim licima na području općina/opština Tuzlanskog kantona i Republike Srpske.

Ministarstvo za obnovu, razvoj i povratak Tuzlanskog kantona u 2009. godini provodi projekt podrške povratku na područje općina/opština Tuzlanskog kantona i Republike Srpske (koje gravitiraju Tuzlanskom kantonu) implementiranjem Odluke Vlade Tuzlanskog kantona, koji se odnosi na dodjelu građevinskih paketa kao učešće u izgradnji potpuno uništenih kuća i sanaciju stambenih objekata povratnika u prijeratna mjesta prebivališta na području općina Tuzlanskog kantona i opština Republike Srpske, kao i učešće u izgradnji gospodarskih objekata.

U toku 2009. godine Ministarstvo za obnovu, razvoj i povratak će dodijeliti:

1. građevinske pakete za stambene jedinice:

- kao učešće u izgradnji potpuno uništenih kuća u pojedinačnoj vrijednosti do **20.000,00 KM** po jednoj stambenoj jedinici;
- kao učešće u sanaciji stambenih objekata u pojedinačnoj vrijednosti do **8.000,00 KM** po jednoj stambenoj jedinici,

u sljedećim općinama,

Za područje Tuzlanskog kantona

-64 građevinska paketa:

od čega 25 paketa do 20.000,00 KM (Čelić 2; Gračanica 1; Gradačac 1; Kalesija 3; Kladanj 1; Lukavac 6; Sapna 1; Srebrenik 1; Teočak 1; Tuzla 6; Živinice 1; Banovići 1) i

39 paketa do 8.000,00 KM (Čelić 3; Gračanica 1; Gradačac 1; Kalesija 3; Kladanj 2; Lukavac 10; Sapna 2; Srebrenik 2; Teočak 1; Tuzla 10; Živinice 2; Banovići 2).

Za područje Republike Srpske

-64 građevinska paketa:

od čega 25 paketa do 20.000,00 KM (Bijeljina 4; Bratunac 3; Doboj 2 ; Lopare 2; Milići 1; Modriča 1; Osmaci 1; Ugljevik 2; Srebrenica 3; Vlasenica 1; Zvornik 4 ; Vukosavlje 1) i

39 paketa do 8.000,00 KM (Bijeljina 6; Bratunac 4; Doboj 3 ; Lopare 3; Milići 2; Modriča 2; Osmaci 2; Ugljevik 3; Srebrenica 4; Vlasenica 2; Zvornik 6 ; Vukosavlje 2).

2. građevinske pakete za gospodarske objekte (samo kategorija povratnika):

- kao učešće u izgradnji gospodarskih objekata u pojedinačnoj vrijednosti do **5.000,00 KM** po jednom gospodarskom objektu,

u sljedećim općinama,

Za područje Tuzlanskog kantona:

30 građevinskih paketa za gospodarske objekte i to:

Čelić 2; Gračanica 1; Gradačac 1; Kalesija 2; Kladanj 2; Lukavac 8; Sapna 1; Srebrenik 1; Teočak 1, Tuzla 8; Živinice 2; Banovići 1.

Za područje Republike Srpske:

30 građevinskih paketa za gospodarske objekte i to:

Bijeljina 4; Bratunac 3; Doboj 2; Lopare 2; Milići 2; Modriča 2; Osmaci 2; Ugljevik 2; Srebrenica 4; Vlasenica 2; Zvornik 4; Vukosavlje 1.

Prijavu na Javni oglas podnosi isključivo nosilac domaćinstva na kome se u službenoj evidenciji vodi nekretnina (kuća-stan), osim u slučajevima kada je nosilac preminuo. U tom slučaju prijavu na Javni oglas može podnijeti i punoljetni član domaćinstva.

Prijava se može podnijeti samo za jednu od predviđenih donacija građevinskih paketa u Javnom oglasu, uz obaveznu naznaku podnosioca prijave za koju se donaciju prijavljuje.

Za izbor korisnika donacije za dodjelu građevinskih stambenih paketa primjenjivat će se Opći kriteriji i Posebni kriteriji utvrđeni Pravilnikom o utvrđivanju osnova, mjerila, kriterija i postupaka za dodjelu donacija u građevinskom materijalu povratnicima i raseljenim licima, donesenog od strane ministarstva.

Kriteriji za odabir korisnika za izgradnju i sanaciju stambenih jedinica

I. Opći kriteriji

1. Status potencijalnog korisnika pomoći-povratnik, raseljeno lice, izbjeglica

a) Povratnik u prijeratno prebivalište

Dokaz:

Potvrda nadležne službe u općini u koju se kandidat za donaciju vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili u prijeratno prebivalište. Potvrda ne smije biti starija od 30 dana od dana objavljivanja ovog oglasa.

b) Raseljeno lice i namjera za dobrovoljni povratak

Dokazi:

1. Potvrda da nosilac domaćinstva i članovi njegove porodice imaju status raseljenog lica izdata od nadležne službe u općini u kojoj privremeno borave, koja ne smije biti starija od 30 dana od dana objavljivanja ovog oglasa.

2. Original ili fotokopija prijave za dobrovoljni povratak.

Ukoliko kandidat za donaciju ne posjeduje prijavu, u tom slučaju prilaže izjavu o namjeri za dobrovoljni povratak, ovjerenu u općini privremenog boravka. Ovjerena izjava ne smije biti starija od 30 dana od dana objavljivanja ovog oglasa.

c) Izbjeglo lice iz BiH i namjera za dobrovoljni povratak

Dokazi:

1. Potvrda o statusu izbjeglog lica iz BiH na ime vlasnika stambene jedinice ili izbjeglički karton, odnosno legitimacija. Potvrdu ili izbjegličku legitimaciju – karton izdaje zemlja u kojoj privremeno boravi izbjeglo lice iz BiH.

2. Original ili ovjerenu fotokopiju prijave za dobrovoljni povratak. Ukoliko kandidat za donaciju ne posjeduje prijavu, u tom slučaju prilaže izjavu o namjeri za dobrovoljni povratak, ovjerenu u zemlji privremenog boravka ili u općini povratka. Ovjerena izjava ne smije biti starija od 30 dana od dana objavljivanja ovog oglasa.

2. Dokaz o vlasništvu nad stambenom jedinicom za rekonstrukciju

Dokaz:

-**ZK (zemljišno-knjižni) izvadak**, ne stariji od 6. mjeseci, ili

-**Posjedovni list**, izdat od nadležnog općinskog organa prijeratnog prebivališta. Ukoliko je vlasnik stambene jedinice preminuo, prijavu na Javni oglas može podnijeti punoljetni nasljednik. Kao dokaz prilaže izvod iz matične knjige umrlih za vlasnike stambenih jedinica, te odluku nadležnog suda ili testament o nasljeđivanju stambene jedinice ili dijela stambene jedinice, odnosno dokaz od suda da je pokrenut postupak nasljeđivanja zaostavštine iza umrlog vlasnika stambene jedinice. Posjedovni list ne smije biti stariji od 6 mjeseci od dana objavljivanja ovog oglasa.

3. Dokaz o povratu imovine

Dokaz:

Original ili fotokopija rješenja o povratu imovine, i/ili

CRPC odluka, i/ili

Rješenja o povratu imovine, i/ili

Zapisnik o uvođenju u posjed.

Ako imovina nije zvanično proglašavana napuštenom, valjano je će Uvjerenje nadležne općinske službe da predmetna imovina od strane nadležnih organa nije bila proglašena napuštenom.

4. Dokaz o prebivalištu

Podnosilac prijave na Javni oglas dužan je priložiti uvjerenje da je na dan 30.04.1991. godine imao prebivalište u stambenoj jedinici koja je predmet rekonstrukcije, izdato od nadležnog organa unutrašnjih poslova prijeratnog prebivališta, koje ne smije biti starije od 6 mjeseci od dana objavljivanja ovog oglasa.

U izuzetnim slučajevima kada se uvjerenjem o kretanju ne može pouzdano utvrditi prebivalište na dan 30. 04. 1991. godine, kao dokaz priložit će se izjava dva svjedoka, ovjerena u mjestu povratka kod nadležnih općinskih organa.

5. Izjava vlasnika stambene jedinice ili zakonskog nasljednika stambene jedinice

(član 23. stav 1. alineja 7. kantonalnog Zakona)

Da nije primio pomoć za rekonstrukciju stambene jedinice dovoljnu da zadovolji odgovarajuće standarde o minimumu stambenih uslova. Izjava mora biti ovjerena u nadležnoj službi općine povratka, a raseljena lica u općini privremenog boravka. Ovjerena izjava ne smije biti starija od 30 dana od dana objavljivanja ovog oglasa.

6. Izjava podnosioca prijave

Da korisnik/nositelj domaćinstva i članovi njegovog domaćinstva koji su prijavljeni za dobivanje pomoći, od 1991. godine nemaju na teritoriji BIH drugu stambenu jedinicu koja se smatra uvjetnom za stanovanje. Ovjereni izjava ne smije biti starija od 30 dana od dana objavljivanja ovog oglasa.

Opći kriteriji su eliminatorni i obavezujući za sve korisnike pomoći.

II. Posebni kriteriji

1. Porodice koje su se vratile u prijeratno prebivalište (kolektivni smještaj u mjestu povratka, improvizovani objekti za privremeni smještaj, podrumi, šupe i slično)

Dokaz:

Potvrda iz tačke 1. Općih kriterija.

2. Raseljena lica sa privremenim boravkom na području Tuzlanskog kantona i Republike Srpske koja koriste bilo koji od vidova alternativnog smještaja.

Dokaz:

Potvrda nadležne općinske službe privremenog boravka da raseljeno lice koristi alternativni smještaj, koja ne smije biti starija od 30 dana od dana objavljivanja ovog oglasa.

3. Svi kandidati za donaciju građevinskog materijala prilažu ovjerenu kućnu listu, odnosno uvjerenje o zajedničkom domaćinstvu, izdato od nadležne općinske službe u mjestu povratka (povratnici) odnosno općine privremenog boravka (raseljena lica). U kućnoj listi moraju biti navedena samo lica koja su se vratila u prijeratno prebivalište (povratnici) ili imaju namjeru za povratak (raseljena lica) koja čine zajedničko domaćinstvo kandidata za donaciju. Kućna lista ne smije biti starija od 6 mjeseci od dana objavljivanja oglasa.

Porodice koje imaju djecu predškolskog uzrasta prilažu izvod iz matične knjige rođenih, a za djecu školskog uzrasta potvrdu odgovarajuće škole. Rodni list i školska potvrda ne smiju biti starije od 6 mjeseci od dana objavljivanja ovog oglasa.

4. Porodični standard

Dokazi:

1) Za svakog člana porodice ako je zaposlen, penzioner ili ima primanja po bilo kom drugom osnovu potvrdu o ostvarenom primanju u protekla 3 mjeseca.

2) Za nezaposlene nosioce domaćinstva i punoljetne članove porodice dokaz od Zavoda za zapošljavanje o tome da je prijavljen na birou rada u općini povratka, a za raseljena lica u općini privremenog boravka. Dokaz ne smije biti stariji od 30 dana od dana objavljivanja ovog oglasa.

3) Za članove porodice koji pohađaju srednju školu ili dodiplomski studij prilaže se dokaz srednje škole odnosno fakulteta. Dokaz ne smije biti stariji od 30 dana od dana objavljivanja ovog oglasa.

5. Porodice povratnika iz ranjivih kategorija sa posebnim potrebama

a) Ratni vojni invalidi

Dokaz:

Potvrda nadležne općinske službe u čijoj se evidenciji vodi ratni vojni invalid. U potvrdi se obavezno navodi stepen (procenat) invaliditeta, koja ne smije biti starija od 30 dana od dana objavljivanja ovog oglasa.

b) Šehidske porodice odnosno porodice poginulih boraca

Dokaz:

Potvrda nadležne općinske službe, odnosno Službe za boračku zaštitu koja ne smije biti starija od 30 dana od dana objavljivanja ovog oglasa.

c) Porodice nestalih

Dokazi:

Potvrda nadležne općinske službe ili Komisije za traženje nestalih (državna ili entitetska komisija)

d) Bivši logoraši

Dokaz:

Za bivše logoraše fotokopija legitimacije- knjižice Udruženja logoraša ili Međunarodnog crvenog krsta.

e) Invalidna lica i distrofičari koji nemaju primanja po osnovu PIO/MIO

Dokaz:

Dokument nadležne općinske službe ili bilo koji važeći dokument kojim kandidat za donaciju i član domaćinstva dokazuje zdravstveno stanje sa navedenim procentom onesposobljenosti i procjenom radne sposobnosti. Dokument ne smije biti stariji od 6 mjeseci od dana objavljivanja ovog oglasa.

f) Samohrane majke

Dokaz:

Potvrda Centra za socijalni rad općine povratka (za povratnike) odnosno općine privremenog boravka (za raseljena lica). Dokaz ne smije biti stariji od 6 mjeseci od dana objavljivanja ovog oglasa.

6. Povratak stručnih kadrova (VSS – VII stepen)

Dokaz:

Potvrda da je kandidat za donaciju zaposlen u entitetu povratka ili dokaz o namjeri poslodavca za prijem u radni odnos povratnika. Dokaz ne smije biti stariji od 6 mjeseci od dana objavljivanja ovog oglasa.

Ispunjenje posebnih kriterija služi za odabir korisnika kao temelj za procjenu potreba potencijalnih korisnika pomoći po prioritetima.

III NAČIN BODOVANJA

1. Povratnik u prijeratno prebivalište **30 bodova**

2. Za raseljena lica koja koriste bilo koji vid

smještaja na području TK i RS	20 bodova
3. Broj članova domaćinstva	
-za svakog člana domaćinstva	5 bodova
-djeca školskog i predškolskog uzrasta (za svakog člana po)	5 bodova
4. Porodični standard	
-porodica bez prihoda	20 bodova
-prihodi isti ili ispod 50% prosjeka neto plaće u FBiH i RS za prošlu godinu	10 bodova
5. Ranjive kategorije	
-ratni vojni invalidi preko 50% invaliditeta	10 bodova
-ratni vojni invalidi do 50 % invaliditeta	5 bodova
-šehidske porodice odnosno porodice poginulih boraca	15 bodova
-porodice nestalih lica	10 bodova
-porodica bivših logoraši	5 bodova
-invalidi i distrofičari	5 bodova
-samohrane majke	5 bodova
6. Stručni kadrovi	10 bodova

Izbor kandidata za donaciju vršit će se na osnovu prikazanog bodovnog sistema u skladu sa općim i posebnim kriterijima utvrđenih Pravilnikom o utvrđivanju osnova, mjerila, kriterija i postupka za dodjelu donacija u građevinskom materijalu povratnicima i raseljenim licima u 2009 godini.

Kriteriji za odabir korisnika pomoći za izgradnju gospodarskih objekata

I Opći kriteriji

1. Status potencijalnog korisnika pomoći - povratnik,

- Povratnik u prijeratno prebivalište

Dokaz:

Potvrda nadležne službe u općini u koju se kandidat za donaciju vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili u prijeratno prebivalište kao i godina povratka. Potvrda ne smije biti starija od 30 dana od dana objavljivanja ovog oglasa.

2. Dokaz o vlasništvu nad zemljištem za izgradnju objekta

Dokaz:

ZK (zemljišno-knjižni) izvadak, ili

Posjedovni list, izdat od nadležnog općinskog organa .

Ukoliko je vlasnik zemljišta za izgradnju objekta preminuo, prijavu na Javni oglas može podnijeti punoljetni nasljednik. Kao dokaz prilaže izvod iz matične knjige umrlih za vlasnike stambenih jedinica, te odluku nadležnog suda ili testament o nasljeđivanju. Posjedovni odnosno vlasnički list ne smije biti stariji od 6 mjeseci od dana objavljivanja ovog oglasa.

3. Izjava podnosioca prijave ili zakonskog nasljednika

Da nije ranije primio pomoć za izgradnju gospodarskog objekta. Izjava mora biti ovjerena u nadležnoj službi općine povratka. Ovjerena izjava ne smije biti starija od 30 dana od dana objavljivanja ovog oglasa.

Opći kriteriji su eliminatorni i obavezujući za sve korisnike pomoći.

II Posebni kriteriji

1. Godina povratka

Godina povratka porodica u prijeratno prebivalište.

Dokaz:

Potvrda iz tačke 1. Općih kriterija.

2. Zajedničko domaćinstvo

Svi kandidati za donaciju građevinskog materijala za izgradnju gospodarskih objekata prilažu ovjerenu kućnu listu, odnosno uvjerenje o zajedničkom domaćinstvu, izdato od nadležne općinske službe u mjestu povratka.

U kućnoj listi moraju biti navedena samo lica koja su se vratila u prijeratno prebivalište (povratnici).

Kućna lista ne smije biti starija od 6 mjeseci od dana objavljivanja ovog oglasa.

3. Porodice povratnika iz ranjivih kategorija sa posebnim potrebama

g) Ratni vojni invalidi

Dokaz:

Potvrda nadležne općinske službe u čijoj se evidenciji vodi ratni vojni invalid. Potvrda ne smije biti starija od 30 dana od dana objavljivanja ovog oglasa.

h) Šehidske porodice odnosno porodice poginulih boraca

Dokaz:

Potvrda nadležne općinske službe, odnosno Službe za boračku zaštitu koja ne smije biti starija od 30 dana od dana objavljivanja ovog oglasa.

Ispunjenje posebnih kriterija služi za odabir korisnika kao temelj za procjenu potreba potencijalnih korisnika pomoći po prioritetima.

III NAČIN BODOVANJA

1. Povratnik u prijeratno prebivalište

20 bodova

2. Godine povratka

-do 1 godina	2 boda
-od 1 do 2 godine	4 boda
-od 2 do 3 godine	6 bodova
- od 3 do 4 godine	8 bodova
- od 4 i više godina	10 bodova

3. Broj članova domaćinstva

-za svakog člana domaćinstva	5 bodova
------------------------------	-----------------

4. Ranjive kategorije

-ratni vojni invalidi	5 bodova
-šehidske porodice odnosno porodice poginulih boraca	10 bodova

Izbor kandidata za donaciju vršit će se na osnovu prikazanog bodovnog sistema u skladu sa općim i posebnim kriterijima.

Oglas ostaje otvoren 30 dana od dana objavljivanja u dnevnim novinama i na oglasnoj tabli Vlade Tuzlanskog kantona. Prijave koje stignu nakon utvrđenog roka neće biti razmatrane.

Rezultati bodovanja i imena dobitnika donacija objavit će se u dnevnim novinama " SAN" i web stranici Vlade Kantona www.vlada.tk.kim.ba, oglasnoj tabli Vlade Tuzlanskog kantona, nadležnih službi općina.

Prijave sa odgovarajućom dokumentacijom mogu podnijeti povratnici u prijeratno prebivalište, raseljena lica koja privremeno borave na području općina Tuzlanskog kantona i Republike Srpske i izbjeglice iz BiH iz općina povratka (pri čemu će se izdati dokument o izvršenoj predaji zahtjeva) neposredno ili poštom preporučenom pošiljkom na adresu Ministarstvo za obnovu, razvoj i povratak Ul. Slatina 2., 75000 Tuzla (zgrada SODASO), sa naznakom "ZA JAVNI OGLAS ZA DODJELU DONACIJA U GARĐEVINSKOM MATERIJALU U 2009. GODINI". Sve informacije se mogu dobiti na kontakt telefon: 035/288-953 lok. 23. i 24. ili neposredno u kancelariji br. 83. IX sprat.

Žalba: Protiv odluke o odabiru korisnika donacija dopušteno je podnošenje žalbe Ministarstvu za obnovu, razvoj i povratak, u roku od 15 dana od dana javnog oglašavanja rang liste korisnika, na oglasnoj tabli Tuzlanskog kantona.

Zakon o raseljenim licima i povratnicima u Tuzlanski kanton i izbjeglicama iz Bosne i Hercegovine («Službene novine Tuzlanskog kantona» br.2/06)

Član 28. «korisnici koji dobiju pomoć na osnovu netačnih podataka ili lažnih izjava, ili usmjere pomoć u nenamijenjene svrhe, obavezni su da Ministarstvu daju nadoknadu u iznosu pogrešno upotrijebljene ili pogrešno dodijeljene pomoći ili da vrate svu pomoć koju su dobili putem Ministarstva».

Član 32. «novčanom kaznom od 500 do 1000 KM kaznit će se za prekršaj korisnik koji dobije pomoć na osnovu netačnih podataka ili lažnih izjava, ili usmjeri pomoć u nenamijenjene svrhe (član 28)».